



4 da matg 2001

Cundiziuns da basa per l'instrucziun da musica amplifitgada sin il stgalim da la scola publica en il chantun Grischun

- Definiziun:** L'instrucziun da musica amplifitgada è ina furma d'instrucziun en il senn d'ina scola cumplessiva ch'è orientada als roms artistics. Las scolas cun instrucziun da musica amplifitgada mainan classas ch'offreschan dapli che duas lecziuns, dentant maximalmain tschintg lecziuns d'instrucziun da musica/chant per emna. Las lecziuns supplementaras per quest rom vegnan prendidas dals roms lingua, matematica ed „uman ed ambient“ (instrucziun reala/istorigia da la patria). Las directivas dal plan d'instrucziun en ils roms cun damain lecziuns èn d'observar.
- Finamira:** L'instrucziun da musica amplifitgada duai approfondar las directivas dal plan d'instrucziun en quest rom, meglierar il clima d'instrucziun, rinforzar las relaziuns socialas, promover la creatividad, sustegnair las prestaziuns en ils ulteriurs roms e scolar generalmain l'abilitad da s'exprimer. La finamira da l'instrucziun da musica amplifitgada n'è betg quella da crear classas elitaras da musica.
- Qualificaziun:** Persunas d'instrucziun che mainan ina classa cun instrucziun da musica amplifitgada han da sa legitimar d'ina qualificaziun respectiva ed èn obligadas da sa scolar vinavant en quest rom er durant la durada dal project.
- Persuna cun la pussanza dals geniturs:** Per uffants ch'èn pertutgads da l'instrucziun da musica amplifitgada èsi da dumandar ordavant il consentiment da la persuna cun la pussanza dals geniturs. La persuna cun la pussanza dals geniturs ha il dretg da laschar scolar l'uffant en ina classa parallela cun in urari normà.

**Project /
concept:**

L'introducziun da l'instrucziun da musica amplifitgada en tuttas u en singulas classas è in project da l'entira scola e pretenda perquai ina discussiun communabla e l'elavuraziun d'in concept specific dal lieu u da l'intern da la chasa da scola ch'è transparent vers l'intern e l'extern e che vegn finalmain purtà e sustegnì da tuts. La durada minimala dal project cuzza dus onns. Il concept infurmescha davart

- la structura e l'andament dal project (organisatoricamain e professionalmain);
- il sustegn da l'idea tar las persunas d'instrucziun dals differents stgalims da scola e tar ils geniturs ch'èn pertuccads;
- l'organisaziun interna da la scola en connex cun las midadas da magisters e/u las midadas da stgalim;
- modus d'access e da sortida da la classa;
- durada
- qualificaziun da las persunas d'instrucziun che dattan l'instrucziun da musica amplifitgada;
- moda da l'accumpagnament dal rom.

Autorisaziun:

Il concept ch'è vegnì elavurà da la magistraglia e sustegnì dal cussegl da scola è d'inoltrar almain in mez onn avant il cumenzament a l'inspectur da scola che decida en cunvegna cun l'uffizi per las scolas popularas e las scolinas.

Accumpagnament:

L'instrucziun da musica amplifitgada è da laschar accumpagnar da l'inspectur da scola e d'ina persuna dal fatg renconuschida. Mintga dus onns han la persuna d'instrucziun e la persuna dal fatg da rapportar al cussegl da scola, a l'inspecturat da scola ed a l'uffizi per las scolas popularas e las scolinas davart l'andament dal project e davart las experientschas fatgas.